

CAPUT XXVII.

DE LIBERALITATE. QUID SIT, ET QUALITER EXERCENDA.
QUOMODO DIFFERAT A MAGNIFICENTIA.

1. Non voco liberalēm, pecuniae suae iratum; qui nec dare scit, nec servare; qui non donat, sed proicit. Liberalis est, qui recēdat et rationabiliter, et pro modo facultatum, quantum decet, impedit, quando et quibus oportet, non suum sed alienum spectans emolumenntum. Porrò liberalitas virtus est beneficiorum erogatrix, quæ circā pecuniarum largitionem et acceptionem versatur: sed largitio principaliter intenditur; quia præstantius est dare, quam accipere. Sufficit autem voluntas, cum tribuendi facultas deest; imo hæc maximè attenditur, ut non solum prosis, sed velis prodesse. Nemo fluminibus, aut mari gratias agit, quod navigia patientur: neque arboribus, quod fructus ferant: nec vento, quod secundus aspiret: nam licet hæc omnia beneficia sint, illis tamen deest beneficiendi voluntas. Quod verò alicui donandum est pretium à celeritate sortitur. Sunt nonnulli, qui dum aliquid donant, gratiam omnem corrumptunt, avertendo vultum, obducendo frontem, et in alterum diem differendo. Sic amicum dilatione lassant, torquent expectatione: cumque proprium sit libenter donantis citò dare, qui diu noluit, non ex animo largitus est. Properat omnis benignitas, et jucundum est munus, quod obviam venit.

2. Non potest quisquam beatè degere, qui se tantum intuetur, qui omnia ad utilitatem suam convertit: alteri vivas oportet, si tibi vivere optas. Quid tanquam tuo parcis? Procurator es. Omnia ista, quæ ferreis claustris custodis, quæ ex alieno sanguine rapta tuo defendis, tua non sunt. Deposita apud te fuerunt, et jam ad alium dominum spectant. Aut hostis illa, aut hostilis animi successor invadet. Queris, quomodo facias tua? Donando. Quid est hoc, quo te divitem putas? Domuncula, pecunia, agellus: si donaveris proximo, beneficium erit, virtus erit, quæ tecum in æternum manebit. Tunc pretiosa est pecunia, cum usu largendi desinit possideri.

3. Quia tenui impensâ fieri magna non possunt, ut mediocres sumptus liberalitas regit; ita splendidos et magnos Magnificentia. Hæc duæ virtutes, cætero similes, hoc discrepant; quod illa etiam in parvis, hæc non nisi in magnis et luculentis apparet. Cui res angusta domi est, liberalis esse non potest: laudem verò magnificentiæ ille solus assequitur, cuius opulentia spectabilis est. Hæc propriè in operis admirabilitate conspicitur. Si quis enim magni pretii gemmam in usum rei divinæ largiatur, eximiè polius liberalis quam magnificus dicendus erit: sed si pretio gemmæ sacrarium, templum, aut aliud splendidum ac mirabile opus extruxerit; magnificus nuncupabitur. Operum verò nomine, in quæ magni sumptus conferri possunt, ea intelliguntur, quæ pertinent ad publicam hilaritatem, et ad quædam hominis officia splendidè prästanda. In his decoris ratio habenda est, respectu operantis, et fa-

cultatum. Non est magnificus, qui plura quam habeat profundit: qui ære alieno se et suos gravat; ut magnificentiae laudem consequatur. Verè liberalis et magnificus ille est, qui quod donat et expendit, detrahit sibi.

CAPUT XXVIII.

DE FORTITUDINE. QUÆ SINT EJUS OFFICIA. MORTEM A VIRO
FORTI CONTEMNENDAM ESSE.

1. Molles sunt hominum animi, debilisque natura; quam idcirco fortitudine armare oportet, ne periculis deterriti ab honestate recedamus. Duplex ejus officium est: unum, idque præcipuum, labores atque pericula sustinere; alterum, eadem aggredi cum oportet. Vir fortis non se temerè malis ingerit, sed advenientia constanter fert: non appetit formidabilia; sed spernit: ibi extollitur, ubi cæteri deprimuntur: ibi stat, ubi alii jacent: non illum subigit dedecus, non repulsa, non exilium, non injuriæ: non eum carcer, non tormenta, non ipsa mors exterrent: omnem luctum, omnem ægritudinem, omnes molestias magnitudine suâ elidit: non se minis aut precipibus à recto detorqueri permittit: non despondet animum, et si plura benè cœptis obsistant impedimenta: non cedit oneri, nec cum officio semel suscepto luctatur; sed persistit, donec perficiat: stat rectus sub quolibet pondere: nulla illum vis, nulla potentia, nullus terror minorem facit: periculis undique imminentibus non allidit virtutem,

nec abscondit. Quò tendat, semper attendit, non quid patiatur.

2. Sicut secundo navigans vento variis se subsidiis munit, quibus tempestatem excipiat: sic utile erit tibi, donec prospera est fortuna, quærere præsidia, quibus adversam fortiter feras. Finge tibi jam advenisse, quidquid sinistri contingere potest, orbitatem, naufragium, exilium, vulnera, tormenta, morbos, calumniam, contumeliam: atque ita te compara, ac si jam in discrimine versareris: ut hoc quasi præludio excitatus, dicere possis in omni eventu: Hæc jam animo præcipi, jam prævidi, et contempsi. Ab æterno constitutum est, quid gaudes, quid fleas: et quamvis magnâ varietate singularum vila distingui videatur; summa in unum venit. Accepimus peritura perituri. Quid indignaris? quid quereris? etsi omnia tua pereant, nihil perit de tuo. Satius est dare, quod repetit Deus, quam cogi ad solvendum. Virum sapientem etiam in tormentis beatum fore ipsem Epicurus edocuit. In Phalaridis, inquit, tauro si fuerit, dicet: Quām suave est hoc, quam hoc non curro! Magnum quidem effatum; sed nobis non incredibile, apud quos extant tot Martyrum exempla, quorum in poenis constantia, in flammis alacritas tanta fuit, ut nullo modo sentire tormenta viderentur. Volenti, et Deum amanti omnes pœnæ deliciae sunt.

3. Nullibi clarius fortitudinis præstantia eluet, quam in mortis discrimine. Difficile est animum perducere ad contemptum vitæ; cuius amore ita plerique tenentur, ut nihil eâ felicius, nihil pretiosius æstiment. Sed si sapiens es, ut te esse opor-

tet, desines inter mala numerare mortem, quæ finis malorum est, et initium vitæ. Aequo animo exire debes, redditurus. Mors invictam necessitatem habet; eam timere dementis est: dubia enim sunt quæ metuuntur, certa expectantur. Considera, nec pueros, nec mente lapsos timere mortem. Turpissimum est autem, si eam tibi securitatem ratio non præstat, ad quam stultitia perducit. Cum exceptione mortis data est vita: vivere noluit, qui mori non vult.

4. Gratificata est nobis natura, cùm ad certum tempus usoram spectaculorum suorum concessit: jam exacto tempore discedendum est. Quis sapiens ad extremum spiritum redactus, si rursus ei vita concederetur, vellet iterum materni uteri ergastulum subire, resumere amentiam infantiae, metus puerilitatis, juventutis pericula, curas virilitatis, labores senectutis? Nemo tam feliciter vixit, cui placaret iterum nasci. Attende igitur quò properes, et à quibus discedas. Posse vitæ hujus exitum non timere, si alterius ingressum sperares. Hæc est causa timoris tui; quia inanis bonorum es, quorum incipis in fine vitæ desiderio laborare. Alioquin non trepidares in limine æternæ felicitatis. Viro justo supplicium esset nasci, nisi mors sequeretur.

5. Nemo mortem lætus exceptit, nisi qui ad illam se diù composit. Effice eam tibi assiduā cogitatione familiarem, ut venientem alacri animo excipiias. Ut satis vixeris, non dies faciunt, non anni; sed animus exire gestiens, et ad originem suam revolare. Diù vixit, qui benè moritur. Benè mori-

tur, qui benè vixit. Vis mortem tibi tranquillam parare? Assuesce ex alto cuncta desplicere. Non potest mortem timere, qui jam plura sibi eripuit: quām rapiat mors. Vis tibi vitam jucundam facere? Omnem pro illa sollicitudinem depone: ad omne genus mortis paratus esto; sive gladius vitam, sive febris abrumpat, nihil tua intersit: vitam sic institue, ut liceat tibi quotidie dicere, Vixi. Ille securus vivit, et lætus moritur, qui se singulis diebus effert; cui concessum est vivere vitâ peractâ. Non potes benè vivere, nisi quotidie moriaris.

CAPUT XXIX.

DE MAGNANIMITATE. VIRI MAGNANIMI DESCRIPTIO.

1. Magnum aliiquid ipso nomine sonat Magnanimitas, excelsa virtus; cuius robustissima vis est, semperque tendens ad magna. Sine hac irritus cadet omnis conatus reliquarum virtutum: nam cùm multæ in earum exercitatione occurrant difficultates, adversus eas mens erigi, et contrâ audientior ire debet: nec prius absistere, quām perruptis interpositis obicibus, ad boni sibi propositi adeptiōnem generosè pertingat. Hoc præstat homini Magnanimitas: quæ ad magna et heroica opera semper inclinat; Deique ope subnixa, securè ac promptè res quasque difficiles aggreditur. Audendum est aliiquid, si vis aliiquid esse. Non potest parvo res magna constare. Magna res est homo, cùm vere est homo.

2. Magnus animus ad magna semper aspirat, quæ omnia velut minuta contemnit, quæ pro maximis vulgus optat. Opera quidem efficit, quæ multo honore sint digna; sed ipsum honorem, et denegatum non ambit, et spernit oblatum, nisi aliter exigant Dei honor, et obedientia. Nihil ad ostentationem, omnia ad conscientiam refert: recteque facti non ex populi sermone mercedem, sed ex facto petit. In edito stat semper, excelsus, insuperabilis, par sibi in omni rerum statu: nec locis altioribus se ingerit, contentus magnitudine suâ. Super omnia eminet omnium dominus; et ideo nulli se submittit, neminem rogat; quia extrâ se nullâ re indiget. Nihil est quod ipsum terreat, aut incurvet. Se profert, et spectari vult non vanitatis studio, sed attento gradu, in quo degit, et Dei donis, quibus resulget. Stat tamen cum his inconcussa humilitas summa coram Deo; quia omnia bona sua, omnemque gloriam in ipsum refundit, pro certo sciens, se ex se ipso nihil habere, nihil posse, nihil esse. Hoc est virtutis fines agnoscere, de se suisque rebus humillimè sentire; iisdem tamen habitos honores salvâ modestiâ non repudiare. Sequi debet gloriam, non appeti.

3. Excipit adverso pectore omnia adversantium tela, nihil reluctans; ut ad summum virtutis fastigium perveniat. Cum viris mediocribus et infimis modestum se ac moderatum exhibet: coram Principibus et opulentis nec se projicit, nec adulatur, nec eorum potentiam suam opprimi sinit libertatem. Quæ odio vel amore digna sunt, aperte odit, aperte amat: quæque palam dici vel fieri debent, libere

loquitur et operatur; quia nihil timet aut sperat. Facit eadem, quæ cæteri hominum, sed non eodem modo, atque ideo utitur dissimulatione in vulgus, nec se facilè populo miscet. Non meminit injuriarum; et in his, quæ necessariò perferenda sunt, nec querulus, nec supplex est. Paucos laudat, nec ipse laudari optat, sed facere laude digna. Non vivit alterius nutu, nisi amici et Superioris neque facilè admiratur, quia nihil illi magnum, vel novum videtur. In omni casu se ipso tutus, nullis rerum movet eventibus. Motum habet tardum, vocem gravem, orationem stabilem ac sedatam: non enim festinat, qui paucis rebus studet; nec vehementer contendit, qui se ipso contentus est.

CAPUT XXX.

DE PATIENTIA. EJUS OCCASIONES, ET EFFECTUS. INDICIA
VERE PATIENTIÆ. AD OMNIA MALA FERENDA PARÆNESIS
ET DOCUMENTA. NECESSITAS PERSEVERANTIÆ.

4. Patientia est virtus, quâ mala hujus sæculi æquo animo sustinemus. Quia verò hæc mala plurima sunt; varia sortitum nomina, pro varietate malorum, in quibus sustinendis versatur. *Patientia* propriè dicitur, cùm injurias fortiter excipit: *Equanimitas*, cùm in ferendâ jacturâ bonorum exteriorum occupatur: *Longanimitas*, cùm pectus munit adversus rei expectatae dilationem: *Constantia*, cùm firmat voluntatem ad alia quæcunque mala, propria et aliena, privata et publica toleranda.

Nulla est virtus, cuius exercendæ crebriores incident occasiones. Tot enim irruunt malorum agmina, tot nos obsident adversarii; ut rectè dictum sit (1), Militiam esse vitam hominis super terram. Nullum penè momentum labitur, quo strenuè dimicandum non sit. Ut desint externi hostes, satis sibi quisque infestus est. Ex nobis, et in nobis nascentur, quæ nos cruciant et exercent. A fletu auspicamur vitam, rudes ad omnia, nisi ad lacrymas. Hoc primùm discimus; huic rei incumbimus usque ad mortem. Inventi plures sunt, qui non riserint: nemo, qui nunquàm fleverit. Patientia itaque necessaria est, ut pectus munit, spiritum roboret, virtutes perficiat. Nemo potest cognoscere quantum valeat, nisi tribulationibus exerceatur. Non est sapiens, qui non est patiens.

2. Malè est homini, qui nunquàm adversam fortunam expertus est. Aliunt Medici, nihil magis metuendum, quàm nimis bonam habitudinem; sed et nautis nimia malacia suspecta est. Si te verberat et lacerat calamitas, non est sævitia sed certamen. Nisi dimices, non vinces; nisi viceris, non triumphabis. Quod si oportuit pati Christum, et ita intrare in gloriam suam (2), tu præsumes alienæ felicitatis particeps fieri absque ulla tribulatione? Erras toto coelo, si aliam tibi viam fingis, quā migres ad Cœlum. Virtutis sacramenta hæc sunt, bona facere, et mala pati. Indicia verò jam adeptæ patientiæ sunt, aliena mala æquanimiter ferre, inter flagella Dei non murmurare, eorum qui mala inferunt consortium non fugere, inter contumelias ab

(1) Job., vii, 1. — (2) Lue., xxiv, 26.

odio custodiri, divinæ voluntati quæcumque nos angunt adscribere, in malis silere, mala inferentes diligere, ob illatas injurias soli Deo conqueri, seque illi paratum ad omnes ærumnas offerre cum gaudio et gratiarum actione. Denique verè patiens esse dignoscitur, qui erga proximi imperfectiones impatiens non est.

3. In bonorum externorum jacturâ magnum solatum est, infidam eorum conditionem perpendere. Quidquid possides, quidquid amas, naturalem retinet fugacitatem: apud te est, tuum non est. Noli tibi imaginariæ stabilitatis desiderio illudere. Nihil firmum infirmo, nihil fragili æternum præter virtutem. Hoc unum contingit immortale mortalibus: cætera suam mortem secum ferunt. Ergo quæcumque habes, eo loco pone, ut magnum sit inter te et illa intervallum. Viro bono nihil eripitur; quia nihil possidet tanquam suum. Cur gemis amissis nummulo, elato filio, succensâ domo: perditâ autem modestiâ, verecundiâ, fortitudine, non ploras? At qui hæc bona tua sunt, et tui juris: illa nec bona, nec tua sunt. Si doles, cum ea amittis; te dignum, qui amitteres, ostendis. Nihil te amississe putas, si nihil inordinatè diligeres. Externa sapientem non angunt, quia non tangunt.

4. Opus aliquod aggressurus, omnia ejus adjuncta considera: plura invenies, quibus turbari mens tua poterit, si non fuerint prævisa. Puerum vocas? fieri potest, ut præsto non sit, vel ut nihil agat ex animi tui sententia. Ad aliquem iturus es? fieri potest, ut inclusus sit, ut occludantur tibi fores, ut ille te negligat. Hæc prævide, et omnia secunda

tibi accident. Ille me hodie non admisit, cùm alios admitteret: sermonem meum adversatus est: me in imo collocavit: querelæ sunt nauseantis animi, in quas felices et delicati ac imprudentes incident. Non haec observat, qui his non afficitur; qui scit, hæc omnia vitæ hujus tributa esse. Optimum autem est pati, quod emendare non potes. Si cuius malitiâ vel impudentiâ offenderis; cogita, an fieri possit, ut nulli sint in mundo improbi et impudentes. Quod si hoc fieri nequit; quid accidit novi, si vir malus et impudens more suo male agit? Vide, ne potius tu arguendus sis, qui non prævideris hunc ita peccatum. Semper sibi constitutus mundus: vitia sunt, ubi sunt homines.

5. Cùm aliquâ afficeris pœnâ, attende, non quid patiaris, sed quid feceris. Si verum tibi dixeris, acrioribus flagellis te dignum fateberis. Deus est, quo auctore cuncta proveniunt. Ipse te castigat, ut sanet, ut exerceat, ut induret, et sibi præparet. Futuris malis reservat eos, quibus indulgere videtur. Unde possum scire, quantum animi tibi sit adversus paupertatem, si divitiis affluis. Unde dignoscam, quantum habeas constantiæ adversus ignominiam et odium populi, si inter plausus senescis? Audite, cùm alios in tribulationibus consolareris: opto te audire, consolantem te ipsum, et tibi ipsi imperantem, ne doleas. Si medico urenti, et membra secanti et gratias habes, et mercedem persolvis; cur Dei medicinæ non acquiescis? Amentia est, putare damna, quæ sunt remedia. Si paupertas, si ægritudo, et cætera, quæ mala vocas, possent tecum verbis contendere, insultarent tibi, et dicerent:

Quid mihi, homo, adversaris? Num aliquo bono meâ culpâ privaris? Prudentiâ, an justitiâ, an fortitudine? An non licet tecum lœto animo esse? Bona erunt, quæ mala putas, si super ea inconcussus eminueris. Magnum malum est, malum ferre non posse.

6. In alienis casibus potes aliquando constantiam dissimulare, nunquam autem in propriis. Sit tibi fletus communis cum miseric, non fletus causa. Descende, et inclina te afflictis, ut ipsos erigas. Nemo jacentem levabit, nisi se inflectat. Quia verò res omnes duplex manubrium habent, tolerabile unum, alterum intolerabile; si quis tibi injuriam fecerit, non eâ parte ipsum prehende, quâ facit injuriam: hæc est enim ansa, quâ ferri non potest. Sed cogita, illum eodem Christi sanguine redemptum esse, ad eamdem gloriam vocatum: sic eum prehendes, quâ parte tolerabilis est, et quia amicitia valdè exili voce prædicta est ad liberas reprehensiones; veritatem ab adversario audire semper studeas. Hic perpetuò vigilans, res tuas infensus explorat: teque facilius mala tua, quam ipsum fallent. Traducet te per vicos et plateas, animique tui morbum vel latentem, vel neglectum, ipse iratus commonstrabit. Ab hoc capere utilitatem satage, et consule salutis tuæ. Attentiū se ipsum circumspicit, qui paratum sibi novit censem, et adversariū.

7. Perseverantia virtutum omnium corona, et consummatio est. Inchoantibus præmium promittitur, sed datur perseverantibus. Ideò antè omnia hoc eura, ut constes tibi. Nihil tam utile est, quod in transitu prosit: retrò relaberis, si ad ulteriora

non contendis : et si incipis stare, descendis. Constitue, quid velis, et in eo usque ad exitum persevera. Inconstantis animi est, novas quotidiè exercitationes assumere, novas subinde sibi querere sedes. Non alibi sis oportet, sed aliis. Planta, quæ sæpius transfertur, tandem arescit : et remediorum crebra mutatio impedit sanitatem. Si Apostolus, vas electionis, non attendens quid antè fecisset, sed quid facere deberet, nequaquam se comprehendisse arbitratur : quid tibi faciendum erit, cui optabile foret, ut posses in fine tuo illius principio comparari? Ardor litterarum nullà ætate extinguitur : divitiarum amor insatiabilis est : expleri nescit honorum cupido. Res finem habituræ, sine fine queruntur : divinam verò sapientiam, si vel leviter degustaveris, continuò te saturum esse putabis? Aliter te ad perfectionem invitat, qui dixit: *Estote ergo vos perfecti, sicut et Pater vester caelestis perfectus est* (1). Hæc meta tibi proponitur, ut locum semper superesse scias incremento virtutis tuæ.

CAPUT XXXI.

DE TEMPERANTIA. QUANTUM ILLI CONFERAT VERECUNDIA.
DE ABSTINENTIA ET CASTITATE.

4. Temperantia voluntatibus imperat, quæ ex gusto et tactu percipiuntur : adscitias et superfluas odit et abigit; necessariis obsequitur, quan-

(1) Matth., v, 48.

tum recta ratio permittit. Ejus regula infallibilis est, solam necessitatem in his, quæ ad corpus spectant, pro mensura habere : nec unquam ad voluptates, propter ipsas, accedere. Hac virtute efficitur, ne ex homine in jumentum labaris. Ad eam plurimum confert Verecundia, frænum pravorum motuum, bona indolis index, custos puritatis, testis innocentiae. Si mentem tuam illa possideat, docebit te omnem timore turpitudinem, ab omni actu illico abstinere, Dei præsentiam venerari, te ipsum ubique revereri, eamque semper diligere intelligibilem pulchritudinem, quæ in operibus temperantiae maxime eluet. Porrò tunc verecundum te esse dignosces, cum vel ad ipsum intemperantiae nomen expavesces, cum te parietes tui tegent, non abscondent, quos plerique circumdatos sibi credunt, non ut tutiùs vivant, sed ut peccent occultius. Quid autem prodest, recondere te, et oculos hominum auresque vitare? Tecum semper est Deus, qui ubique te videt: tecum conscientia, quæ ubique te accusat.

2. Usum cibi et potûs, Abstinentia et Sobrietas; quæ verò ad tactum pertinent, Castitas et Pudicitia, moderantur. Et in usu quidem ciborum, difficillimum est, extrâ metas necessitatis non abripi. Venter præcepta non audit: poscit, appellat, et quotidianum tributum exigit. Sed quām parvo dimitti possit, quām modicâ stipe contentus sit, nemo recogitat. Cogimus vitiis servire naturam; famemque et sitim, quæ naturalibus remediis facile sedari possunt, variis eduliis et potionibus irritamus. Castitas quoque ardua est inter tot libidinis incentiva; nisi ea compescat timor Dei, occasionum fuga, sen-

suum custodia, et maxima sui ipsius reverentia. Qui seipsum non veretur, nec alios vereri poterit. Vis castus esse? contine oculos; ne invitus ames, quæ incautè aspexisti. Quid fugacem et falsam creaturæ pulchritudinem admiraris? Expecta paulisper, et jam non erit. Serenam frontem squalentes arabunt rugæ, mœsta teget nubes oculorum faces, dentium ebur scaber obducet situs. Fuge etiam pravorum consortium, omnem mollitiem vita, carnem jejuniis doma, et durius tracta. Perit, qui nimium est amans sui sepulchri.

CAPUT XXXII.

DE MANSUETUDINE, ET CLEMENTIA. UTRIUSQUE OFFICIA ET
PRÆSTANTIA.

1. Ut iræ impetum mitiges, necessaria est mansuetudo; ne citrâ vel ultrâ recti limites hac in parte deflectas. Telum naturæ est ira; quo uti licet, cùm peccantes arguere et castigare ex officio teneris: cùm dictat prudentia, tuam vel alienam injuriam debito modo repellendam esse; ne crescat ex impunitate reproborum licentia. Crudelis est, tam qui nulli, quam qui omnibus ignoscit. Cùm verò, justitia exigente, puniendi sunt rei; mansuetudinis et clementiæ memor esto. Descende ad poenas tanquam invitus; et talis esto ergà peccantes, qualis extitit ergà te Deus. Sicut ille sustinuit te, ut meliorem faceret: ita illos sustine, ut corrigantur. Despicis Medicum, si desperas ægrotum. Tam facilis est ægri

MANUDUCTIO AD CŒLUM.

sanitas, quanta medici sapientia et benignitas. Vir mitis iracundiæ pelago velut scopulus supereminet, fluctusque impingentes dissolvit; nec paenâ semper, sed sæpius pœnitentiâ contentus est. Clamat coacto cœtu humani generis, Salvator mundi, *Venite ad me omnes... et discite à me*: non curare infirmos, non leprosos mundare, non cæcis lumen, aut mortuis vitam reddere. Sed quid? *Discite*, inquit, à me, quia mitis sum (1). Ad hoc redigisse videatur omnes thesauros sapientiæ et scientiæ suæ; ut ab eo discamus mites esse. Tanta mansuetudinis præstantia est.

2. Ut mansuetudo iram, sic clementia punitionem moderatur. Illa ad omnes, hæc ad Principes et Superiores pertinet. Ejus enim munus est, mihiorem poenam, quam jura exigant, irrogare: non ex timore, lucro, amicitia, aliōe motivo; sed ex animi lenitate. Non opus est, latera montium abscondere, et in arduo collis vertice arcæ construere: salvum Principem in aperto clementia præstat. Hæc est munimentum inexpugnabile, quæ tutum reddit imperium. Malus Princeps inquisus est: quia timetur: et timeri vult; quia inquisus est. Quem verò metuant subditi, oderunt; et quem quisque odit, perisse cupit. Vitæ regum dominus est, quisquis suam contempsit. Frustrâ se potentiam munit, qui septus suorum benevolentiam non est. Turpia sunt Principi multa supplicia, sicut Medico multa funera. Si rex continet vim suam, si omnes injurias et offensiones supernè despicit; si quosdam alienæ iræ, neminem impedit suæ: tunc verò se

(1) Matth., xi, 28, 29.

Regem ostendit. Magni animi est, placidum esse atque tranquillum.

CAPUT XXXIII.

DE MODESTIA. MUNUS DUPLEX STUDIOSITATIS. QUAE REGULA
IN USU EUTRAPELLÆ SERVANDA.

1. Modestia reliquas animi dotes mirabiliter exornat. Hæc forma honestatis est, et frænum vitiorum. Quamvis sermone taceas, habitu et gestu te prodis. Argumentum virtutis ex minimis licet capere. Vultus, risus, incessus, et flexus oculorum sæpè hominem ostendunt, qualis sit. Sic vive, ut omnes cognoscant, te ad consortium Angelorum pertinere. Serva decorum in motu omnium membrorum, in gestu, voce, et aspectu; ne quid in his effœminatum et molle sit, ne quid rusticum aut durum. Vera modestia ab animo in corpus, ex interna morum gravitate in superficiem emanat; ut quasi supellectilem suam mens foris inspiciat. Vir modestus vivum Dei simulacrum est: nam solus ejus aspectus intuentes componit. At hoc quam bonum est, videri et prodesse! Spectat quoque ad modestiam, tui statu conditionem in vestibus, supellec-tili, ornatu domus, et multitidine servorum non excedere. Animi tui impedimenta hæc sunt: quibus non tu, sed quæ sunt extra te, exornantur. Cur igitur gaudes malo tuo? cur inania miraris et impedimentorum multitudine gloriaris? Hanc servorum cohortem, quæ latus tuum cingit, rectè dixeris hos-

tilem exercitum, à quo satis cavere non potes. Quid agas nosse volunt, non quid præcipias. Nihil humilius eorum ingressu, nihil progressu insolentius, nihil odiosius egressu.

2. Studiositatis duo sunt munera: alterum, sciendi appetitum, qui plerumque justo major esse solet, temperare et moderari: alterum, torporem excutere, animique industriam ad necessaria ediscenda excitare. Curiosum homini ingenium dedit natura; artisque suæ ac pulchritudinis conscientia, nos operum suorum spectatores genuit, perditura fructum sui, si tam magna, tam clara, tam subtiliter ducta solidudini ostenderet. Sed abutimur naturæ bono, ea curiosè investigantes, quæ utilius ignorarentur. Non ille sapit, qui scit multa; sed qui sapit, quod facit ad rem. Ea primum discenda, quæ pertinent ad salutem: cætera quò minus legas non deterreo, dummodò quidquid legeris ad mores referas. Cave autem, ne lectio multorum librorum habeat aliiquid vagum et instabile. Certis ingenii immorari oportet et innutririri, si velis aliiquid trahere, quod in animo fideliter sedeat. Lectio varia delectat, certa prodest.

3. Danda est aliquando remissio animo, et assidue labore quiete intermissione: non enim durabile est, quod caret alternâ requie. Legum conditores dies aliquot instituerunt, quibus ad hilaritatem publicè homines cogerentur, viresque reciperent paululum resoluti et remissi. Animi vero relaxationem plurimæ actiones constituunt. Inambulatio, scilicet, in loco ameno, et aperto; ut celo libero attollat se mens, et membra vegetentur: subur-

bana ac rusticana secessio, procul ab urbium nido re et tumultu: aucupium et venatio, quæ statum tuum non dedeant; et piscatio, quæ innocentior est: læta studia et mitiora, musicusque concentus, et ludus aliquis honestus: joci denum innoxii, et urbanitates, à quibus absit omnis injuria et indecentia. Sunt quidam nimium severi, osores hominum, suisque tenebris incubantes, à quibus hilaris sermo nunquam potest extorqueri. Alii jocis semper dediti, rebus seriis nunquam se applicant, nunquam se populo subducunt. Miscenda autem ista et alternanda sunt, nam solitudo desiderium hominum faciet, frequentia tedium, eritque altera alterius remedium. Odium item laboris sanabit remissio; tedium remissionis, labor. Sunt et nonnulli, qui vires suas dispensare nescientes, immoderatum in se imperium exercent. Modus illis deest. Nec intermittere studia sciunt, nec repeterere. Cùm se ad laborem concitant, junguntur dies noctibus; nec desinunt, nisi deficiant. Rursus cùm se in lusus dimittunt; se ita resolvunt, ut ad priorem consuetudinem vix retrahi possint. Sic igitur dandum animo intervalum, ut remittatur, non resolvatur. Ad hoc necessaria est Eutrapelia, quæ certos fines præscribat, quos prætergredi nefas sit. Optima quæque mala fiunt, cùm quis modum excedit.

CAPUT XXXIV.

DE HUMILITATE. IN QUO CONSISTAT. DE COGNITIONE SUI.
VERI HUMILIS CHARACTERISMUS.

1. A Christo venit humilitas. Ipse eam verbo promulgavit, docuit exemplo. Hæc, post virtutes Theologicas et intellectuales, inter cæteras primatum habet: removet enim superbiam, quæ est origo omnium malorum. Hæc nos amabiles Deo reddit; quia cum humilibus sermocinatio ejus. Sine hac, quæ virtutum fundamentum est, quidquid in spirituali ædificio superextruitur, nec solidum erit nec stabile. Quamvis autem ipso nomine quidpiam vile et exiguum præ se ferre videatur; virtus tamen magnorum est, quoniam est virtus perfectorum, animumque erigit ad altiora. Illustra aggreditur sine tumoris periculo, ardua sine metu difficultatis; excelsa, strenua, magnanima, eodem semper tenore subsistens. Non consistit humilitas, ut vulgus putat, in merâ sui despiciéti et abjectione; sed in ea moderata gloriæ et honoris appetitione, quæ et excessum devitet, et à defectu recedat. Appetit humilis gloriam, tanquam stipendum virtutis, animo directè in actionem intento; non propter ostentationem, sed ob solam virtutem, et quantum ipsa depositit. Illegitimus est omnis honor, quem virtus non parit. Quia vero humilis, quâ pollet mentis perspicaciâ, æquus sui æstimator est, omnem propè honorem meritò aversatur: tum, quia novit, quam

sit exiguum, quod ipse de suo confert ad opera virtutis: tūm quia timet, ne ex debiti honoris appetitu ad indebitum captandum prolabatur. Tutius est aspernari honorem, quem qui recusat, amplificat; qui spernit, auget.

2. Ideò humilis non es; quia te ipsum non cognoscis. Nulla est regio tam remota, de qua facilius credas falsa narranti. Quid est homo? Imbecille corpus et fragile, suāptē naturā inerme, alienæ opis indigens, et ad omnem temporum contumeliam projectum. Massa luti, foedum animal ad omnia mala proclive, adeò perverso, et depravato sensu, ut terrena coelestibus, caduca æternis præferat. *Universa vanitas, omnis homo vivens* (1). Nulli animali vita fragilior, nulli rabies acrior, nulli confusio pavor, nulli major libido. Undè igitur tibi superbia, miserabilis creatura, et omnium infelicissima? Attende miseriam tuam, considera probra et dedecora tua, si qua in te superest rationis scintilla. Tunc perfectè humilis eris, cùm te ipsum nosse diceras.

3. Verus humilis se prorsus despicit: neque humilis, sed vilis vult reputari? honorem sibi debitum in Deum refert, et in omnibus de se diffidit: gaudet contemptu sui, hoc solo superbus, quòd laudes spernit. Se ipsum considerat juxta ea, quæ ex se habet; alios verò secundūm ea, quæ habent ex Deo; et sic aliis se conferens, se omnibus detersorem arbitratur: hoc est enim ingenium humilitatis, propria mala aliorum bonis comparare; ex quo vel quilibet perfectissimus potest sine mendacio se cæteris im-

(1) Ps., xxxviii, 6.

perfectiorem existimare. Ad hæc verus humiliis omni obedientiâ se subdit majori, propria desideria non perficit, defectus suos libenter detegit, omnem injuriam patienter sustinet, abjectiora quæque cum gaudio amplectitur, omnem fugit singularitatem, abstinet à multiloquio, latere desiderat et nesciri; infrà se omnia ponit; se infrà omnia, seque totum intra nihilum claudit. Verecundus est et circumspetus: non loquitur, nisi cogat necessitas, idque modestè et sine risu, flere potius optans quam ridere. Cordis humilitatem corpore ostendit, defixis in terram oculis, gravi et modesto incessu cernuo vultu, ad instar rei, qui jam debeat tremendo Dei judicio præsentari. Conscius flagitorum quæ commisit, incertusque de gratia, et dubius de salute, non audet oculos in colum attollere; sed cum Publicano à longè stans, ferventi oratione peccatorum veniam deprecatur. Omnia denique opera sua veretur, omnia terræ bona despicit, omnem calcat mundi pomparam: totum enim mundum nihil putat, qui se credit nihil esse.

CAPUT XXXV.

DE STATU PERFECTORUM. IMAGO VIRI PERFECTI. FINIS VITÆ
PERFECTÆ, UNIO CUM DEO.

4. Perfectus ille dicitur, cui nihil deest. Quid autem potest illi deesse, qui purgatus à peccatis, emundatus à vitiis, ac virtutibus exornatus, Deo suo intimè adhæret, et unus cum eo efficitur spiritus in

aeternum? Hic est apex Christianae perfectionis: hic finis ultimus, ad quem tendere debes. Cum enim quaelibet res tunc perfecta censeatur, cum fini suo copulatur, finis autem tuus Deus sit; tunc demum te perfici necesse est, cum perfecte Deo adhaerens ad eum redi, a quo existi. Perfectus autem sine speciali Dei auxilio nemo est. Et quia pauci inter mortales ad singularem Dei illapsum recipiendum mentis apicem disponunt; ideo paucorum perfectio est. Paucos singula saecula protulerunt.

2. Virum perfectum illum esse dices, quem vivideris interritum periculis, intactum cupiditatibus, inter adversa felicem, in ignominia beatum, in mediis tempestatibus placidum, quidquid cæteri timent optantque ridentem, omnia tanquam minora transuntem, nullo bono nisi suo nitentem, semper liberum, sibi semper constantem, sui semper similem, erectum, excelsum, vacuum sui, et plenum Deo: cui bona sua nulla vis excutit, qui mala in bonum vertit, qui nulla re frustratur, nullo laeditur casu: qui pretia rebus non ex opinione, sed ex natura imponit: qui super omnia eminens, toti mundo se infert, et in omnes ejus actus contemplationem suam extendit, semper tranquillus et inconcussus: qui majore sui parte illic perpetuo commoratur, unde descendit. Sicut radii solis, quamvis terram contingent, illic tamen sunt, unde mittuntur; sic vir perfectus nobiscum quidem conversatur, sed optimâ sui parte abest, et fini suo semper adhaeret. Talis est animus ejus, qualis mundi status supra lunam: semper illic serenum est. Rerum defectus ignorat, varium animum nescit, omnia saecula illi

serviunt, æqualiter tanquam sol universa perlustrat, atque omni multiplicitate rejectâ in simplicissima unitate quiescit. Nihil optat, nihil querit extra se, non habens necesse longius arcessere felicitatem, quam corde inclusam gerit. Soli Deo operatur, soli Deo vivit, semper abre paratus. Hanc amussim adhibe vitæ tuæ: et intelliges, quâm procul absis à perfectione.

3. Res ista major altiorque est, quâm ut possis ad eam pertingere, nisi ille te sursum trahat, qui dixit: *Sine me nihil potestis facere* (1). Sed et præviæ dispositiones necessariæ sunt. Finis vitæ perfectæ, intima cum Deo unio est: et quia ille habitat lucem inaccessibilem, ad eum nunquam accedes, nisi tenebras creaturarum à te expellas. Non potest homo divinæ consors naturæ fieri, nisi se ipsum, et omnia creata, mente et affectu transcendat. Omnis vel minima cuicunque rei adhæsio, echencidi exiguo pisciculo similis est; qui si navim mordeat, eam sistit et detinet in medio cursu. Non aliter plerisque animabus contingit; quæ velut naves, cœlestibus divitiis onustæ, beatæ unionis portum feliciter attingerent, nisi aliquâ vitiosâ affectione detinerentur. Deus unus et simplicissimus est: nunquam poterit anima unioni apta esse, nisi una et simplicissima efficiatur.

(1) Joan., xv, 5.